


聖經三字經

文／天必



藝文專欄
詩情話意

人之初，性本善，神造人，在伊甸；

六日裡，萬物成，生命樹，備天宴。

食禁果，撒但慫，夏娃罪，亞當連；

違天命，出樂園，落世界，日子艱。

罪性傳，子孫衍，行強暴，減天年；

巴別塔，欲通天，亂口音，散天邊。

罪惡滿，神怒顯，洪水發，惡人淹；

方舟裡，正團圓，挪亞禱，禽獸恬。

洪水退，陸地現，鴿子飛，攬枝銜；

三兒子，發祖先，虹為記，神恩綿。

亞伯蘭，蒙召遣，出吾珥，迦南遷；

獻以撒，經試煉，賜福祉，千萬年。



小約瑟，賣埃及，做奴隸，不自棄；
守天道，拒美姬，解疑夢，宰相職。
神百姓，下埃及，四百年，熬煎急；
呼救聲，震天庭，摩西來，脫苦境。
逾越節，羔羊血，舉神杖，紅海裂；
法老追，全軍滅，登彼岸，笑開顏。
雲火柱，行軍捷，西乃山，傳十誡；
曠野路，四十年，天降糧，嗎哪甜。
約但河，水倒立，耶利哥，滅仇敵；
約書亞，分聖地，進迦南，汲乳蜜。
大衛王，揮天戟，以色列，國度興；
所羅門，建聖殿，神和人，親相見。
日子舒，人心變，拜偶像，國祚險；
眾先知，傳警告，心頑梗，遭天譴。
神子民，二次遷，巴比倫，七十年；

但以理，拒御膳，耶利米，淚洗臉。
人類史，四千年，遠離神，多艱險；
彌賽亞，何時來？撥烏雲，見青天。
霹靂響，天地變，主耶穌，父差遣；
馬利亞，蒙恩眷，童貞女，獻心願。
伯利恆，救主臨，馬槽裡，聖嬰眠；
眾天兵，唱天穹，牧羊人，報佳音。
三博士，隨救星，拜基督，獻黃金；
希律王，鬼魔心，二歲童，盡殉身。
主童年，敬雙親，木匠家，煉成人；
十二歲，念父事，三十歲，傳福音。
約但河，受浸禮，趕魔鬼，行神蹟；
登山訓，宣真理，進會堂，守安息。
主腳踪，遍城鄉，醫疾病，救死亡；

無枕所，做榜樣，愛心懷，天地寬。

猶太人，太猖狂，謀害主，喪天良；

主切禱，在山岡，遵父旨，苦杯嚐。

受捆綁，如罪犯，兵丁鞭，抽脊樑；

荊棘冕，戴頭上，背十架，赴刑場。

步步血，髑髏淌，鐵釘尖，穿心掌；

徹骨痛，代禱常，盜賊悔，認羔羊。

遍地暗，地震盪，寶血流，救功傳；

三日後，主復活，敗撒但，勝死亡。

宇宙間，有真光，十字架，放光芒；

救世主，操全權，父右邊，為君王。

五旬節，聖靈降，保惠師，安慰祥；

四方人，來聚集，教會興，福音傳。

聖使徒，志剛強，做聖工，冒死上；

靠主名，打勝仗，救靈魂，冠冕存。

眾弟兄，應思量，紀念主，代死亡；

真悔改，做新人，信耶穌，上天堂。

千禧年，煥新顏，撒但囚，樂園現；

真帳幕，在人間，神子民，大團圓。

萬物興，天地間，大同世，真道遍；

自然界，靜和諧，人共慶，福壽延。

眾信徒，快敬虔，得永生，經火煉；

耶穌來，接升天，讚美主，億萬年。

